

Ս. Գ. Բարխուդարյան

ՏԱՊԱՆԱԳԻՐ ՀԱՄԱՄ ԻՇԽԱՆԻ ԱՆՈՒՆՈՎ

Ազդերեջանի պետական պատմական թանգարանի բակում սկսվում է մեջտեղից կոտրված մի տապանաքար: Նրա վրա կա շուրս տողից բաղկացած հայերեն արձանագրություն—տապանագիր, որը քարի կոտրված մասի շրթունքների մոտ խիստ ջարդոտված է (մանավանդ առաջին երկու տողերի մասում) և ընդհանրապես խիստ հոգմնահարված, մաշված:

Տապանաքարը թանգարան է տեղափոխվել Աղվամի շրջանի Սոֆուլու գյուղի մոտ գտնվող Գյավուր զալա կոչված ավերակներից:

Հնագիտական այդ վայրը ունի պատմական մեծ անցյալ. հայկական մատենագրական աղբյուրներից հայտնի է, որ այդ վայրում եղել է քաղաքատիպ մի ավան Տիգրանակերտ անունով: VII դարի պատմադիր Սեբեոսը, նկարագրելով պարսկա-քուզանդական պատերազմները, հիշատակում է քուզանդական կայսր Հերակլի մինչև Փայտակարան հասնելն ու այստեղ պարսից բանակի հետ ունեցած նրա պատերազմները: Պատերազմը տեղի ունեցած վայրը ներկայիս Աղվամի շրջանն է հանդիսացել, որտեղ և պատմադիրը հիշատակում է Տիգրանակերտ անունով երկու ավաններ:

Գյավուր զալան հենդ դրանցից մեկն է: XIX դարի ճամփորդ Ջալալյանը այդ ավերակները մեծ քաղաքատեղ է համարում, ուր կիսավեր վիճակում կային տների, շուկաների և բաղնիքների ավերակներ, այդ վայրը տեղացի հայերն անվանում էին Խզրնակերտ, իսկ ազդերեջանցիները Թառնակերտ¹: Այդ ավերակների մասին նույնպիսի նկարագրություն ունի նաև Մ. Բարխուդարյանցն իր «Արցախ» հայտնի գրքում²:

Հիշյալ տապանաքարը երկթե է, երկար և ցածրանիստ: Մեր տեսած և ուսումնասիրած նման ձևի բաղամթիվ տապանաքարերն ապացուցում են, որ ձեր հնագույնն է: Կովկասում կուրդանային-ղուվենային և կրոմլեխային ակնառու թաղումներին հաջորդեցին ստորերկրյա քարակղզային, ապա կարասային և այլ նման տիպի թաղումներ, որոնց հիմնական հատկանիշն այն էր, որ գերեզմանի վերերկրյա մասը մնում էր աննշան: Այդպիսիներից էր նաև միակտոր քարից շինված սարկոֆագների միջի թաղումները: Բայց այս վերջիններիս վրա նույնպես միակտոր քարից շինվում էր կափարիչ, որը երբեմն երկթե ձև ուներ: Հաճախ այդ կափարիչը մասամբ արտաբուստ տեսանելի էր լինում (թերևս հոգմնահարության հետևանքով բացված): Միակտոր քարից երկթե այդ քարը, որն սկզբում միայն կափարիչի գեր էր կատարում, աստիճանաբար անջատվում է սարկոֆագից և դառնում ինքնուրույն տապանաքար: Այս դեպքում, բնականաբար, նա մի քիչ ավելի բարձր էր շինվում, քան կափարիչը. տապանաքարի այս ձևը առաջին դարերից սկսած մինչև X դարը Հայաստանում շատ տարածված էր:

Թեև տապանագիրը եղծված է և վերծանվում է որոշ բացերով, բայց նրա առաջին տողերի վերջում մնացել է Համամ իշխանի անունը, հետևաբար, տապանագրի իմաստը ըմբռնելու և հնարավորին չափ ամբողջացնելու համար անհրաժեշտ է փոքրիկ պատմական էքսկուրս կատարել Համամ իշխանի անձնավորության ու զործունեության վերաբերյալ:

Համամի մասին հայկական մատենագրության մեջ բավականին շատ հիշատակություններ կան: Ըստ դրանց նա անվանվում է «Համամ մեծ իշխան արևելից» Բագրատունի ցեղից: Նրա իղբայրների, ինչպես և զավակների մասին տեղեկություններ չկան:

Համամ իշխանը նշանավոր դեր է կատարել Աղվանքի պատմության մեջ: IX դարի վերջերին՝ երբ Արարական խալիֆաթի թուլության հետևանքով վարվում էր նոր քաղաքականություն, դահեր էին տրվում տեղական ուժեղ վասալ իշխաններին, Համամն էլ թագ ստացավ և, նստելով Աղվանքի հին մայրաքաղաք Պարտավ-Բերդեյում, վերականգնեց Աղվանից թագավորությունը (փաստորեն նրա իշխանությունը տարածվում էր Աղվանքի մի փոքր մասի վրա):

¹ Մ. Ջալալյանց, Ընդհանրահոգություն ի մեծն Հայաստան, Բ, Տփլիս, 1858, էջ 344—345.

² Մ. Բարխուդարյանց, Արցախ, Բագու, 1895, էջ 28.

Համամի կենսագրության մեջ մի կարևոր դեպք կա, որը խոշոր նշանակություն է ունեցել նրա հետագա գործունեության համար և առիթ է տվել, որ նոր ժամանակների բանասերների շփոթ մտքն են նրա կենսագրության մեջ, բայց որի արտահայտությունը գտնում ենք նաև ներկա արձանագրության մեջ: Դա հետևյալն է.

Պատմագիրներից³ և իր իսկ Համամի կողմից գրված բանաստեղծական աշխատությունից⁴ հայտնի է, որ նա մահվան սպառնալիքի տակ ստիպված է եղել սպանել իր հարազատ եղբորը: Թե ինչու է արաբացի Բուզա ոստիկանը նրան ստիպել դիմելու այդ ոճրագործությանը, մնում է անհայտ: Եղբորն սպանելուց հետո Համամը զղջում է իր արարմունքը և մեղքը քավելու համար բազմաթիվ բարեգործություններ անում, գրում նաև հինգ տնից բաղկացած մի բանաստեղծություն, որի մեջ խոստովանում է իր հանցանքը և թողություն հայցում աստծուց: Բանաստեղծության տեղի սկզբի տողերի սկզբնատառերը կազմում են Համամ անունը:

Այս վերջին փաստը, այսինքն Համամ իշխանի նաև բանաստեղծություն գրած լինելը, առիթ է տվել նոր ժամանակի բանասերներին Համամ իշխանին և նույն IX դարում ապրած մի այլ վարդապետ Համամին նույնացնելու և վերջինիս բոլոր գրական վաստակները Համամ իշխանին վերագրելու: Միաժամանակ այդ գրական գործերի բովանդակության կրոնական բնույթը նկատի առնելով՝ համարել են, որ Համամ իշխանը եղբորն սպանելուց հետո զղջացել է և հրաժարվելով զահից՝ կրոնավոր դարձել, ընդունել Հովհաննես անունը:

Բայց այնպիսի խոշոր գիտնականներ, ինչպիսին են Հ. Աճառյանը⁵ և Ն. Ադունցը⁶, համամիտ չեն այդ կարծիքին և ընդունում են, որ Համամ թագավորին ժամանակակից ապրել է մի այլ, նույնանուն գիտնական մարդ, որը և գրել է մի շարք հոգևոր երգեր: Այս վերջին կարծիքի իսկության լավագույն փաստն է և այն, որ Ղազանչի-Ավետարանոց գյուղում ժամանակին հայտնաբերված Համամ իշխանի տապանաքարի վրա գրված է Համամ քազաուր⁷:

Այս բոլորի մեջ ճշմարիտը մնում է այն, որ Համամ թագավորը իրոք հարկադրաբար սպանել է իր եղբորը և այդ առթիվ գրել իր զղջական բանաստեղծությունը: Համամ թագավորի կենսագրական տեղեկություններից մեր նյութի համար կարևոր է և այն, որ նրան հաջորդել է իր թոռը՝ իշխանիկը. այս հանգամանքը կարող է ենթադրել տալ, որ Համամը արու զավակ կամ եղբայրներ չի ունեցել:

Այժմ վերադառնանք բուն տապանագրին: Նրա բոլոր շորս տողերը գրված են իրար տալ և տեղավորված են հարթության մի երեսին: Առաջին տողի սկզբից գրված է խաչի նշան, որը սովորական է հայկական արձանագրությունների համար և ցույց է տալիս սկիզբ, եթե սկզբում է գրված, վերջ՝ եթե արձանագրության վերջում է գրված:

Առաջին տողի սկզբում պահպանված է այս բառը, լրիվ, որին հաջորդում է մեկ տառ Դ, ապա մեջտեղի մասը չարդոտված է և վերջում միայն որոշ են ամամ իշխանի բառերը:

Միջնադարյան հայկական տապանագրի սովորական և շարունակիչը երկու ձև ունի այս է հանգիստ կամ այս է տապան, բայց ներկա դեպքում այս բառին հաջորդում է ոչ թե է տառը, որը կական բայն է, այլ Դ տառը, հետևաբար, պետք է որոնել մի ուրիշ շարունակ: Ավելի հին դարերի տապանագրերի սկզբում էին այս ղիւ ձևով: Բոլոր այս երեք ձևերն էլ ունեն միևնույն իմաստը, այն է՝ գերեզման. այս շարունակն պետք է հետևի թաղվածի անունը, որը, սակայն, հնարավոր չէ վերականգնել: Տողն ավարտվում է ամամ իշխանի բառերով, Համամ անվան միայն սկզբի Հ տառն է պակասում, որի լրացումը կասկածի տեղիք տալ չի կարող:

Երկրորդ տողի սկզբից կարդացվում է եւ տն Փղիպի եւ տն Սնայատա բառերը, ապա կենտ-

3 Մ ո վ ս է ս ի Կ ա ղ ա ն կ ա տ ու ա ց ո յ, Պատմութիւն Աղուանից աշխարհի, Գ, Թիֆլիս, 1913, էջ 283:

4 Կ. Կ ո ս տ ա ն և ա ն ց, Համամ Արեւելի, «Արարատ», 1896, էջ 169:

5 Հ. Ա ճ ա ո յ ա ն, Անձնանունների բառարան, հ. Գ, էջ 23—24:

6 Ն. Ա դ ո ն ց, Բագրատունյաց փառքեր, Փարիզ, 1948:

7 Մ. Թ ա ռ ի խ ու ղ ա ռ յ ա ն ց, Արցախ, էջ 98: Նույն գերեզմանատան մեջ եղել են զույգ տապանաքարեր, զրանցից մեկի վրա պատկերված է թագուհին՝ նստած ձիու վրա, որը չի ունեցել արձանագրություն. կողքին մի այլ տապանաքար, վրան թագազարդ հնձյալ, ձեռքին խաչ, բացի դրանից քանդակված է երախը բաց մի վիշապ: Տապանաքարի մյուս երեսին խաչեր են, իսկ երեսին՝ ի:ող, (1241) ՆՆՆՆ... հա... թցառի աղվց... եւ տէր Սասուն գրեցի՛մ այս, ով ու կարդէլ աստուած ողորմի ասէ. պարզ է, որ տեր Մասունը նորոգել է այդ թվին Համամի տապանաքարը: 1961 թ. ամռանը վիճադրական գիտարշավը եղավ այդ գյուղում, բայց հայտնաբերել այդ տապանաքարերը չհաջողվեց, հավանաբար արդեն ոչնչացվել են:

որոնում ջարդված ու եղծված են, իսկ վերջում պարզ են եւ զրկ տառերը, որոնց շարունակությունը 3-րդ, համարյա լրիվ տողի հետ կարդացվում են եւ զրկ(եալ ի նորտ հասակէ ելա յաշխարհէս պառն քողի սուգ)։ զգիրս զայս։

Չորրորդ տողն ամբողջական է և տապանադիրի համար անսովոր հետեյալ բովանդակու-
թյունն ունի. մի ու իշխեցէ մերձենալ ի սմա. նզովեալ եղիցի ի քէ. այ։

Այս վերջին տողի նման անսովոր դարձվածքը մատնացույց է անում տապանաքարի տակ թաղվածի հետ կապված մի անսովոր երևույթ։ Մեր կարծիքով դա հետեյալն է. դոյություն ունեն միջին դարերում և մինչև վերջերս էլ պահպանվող մի ավանդություն, ըստ որի պատժամահ մարդկանց չէր թույլատրվում թաղել ընդհանուր դերեզմանատանը։ Մեր կարծիքով, այս դե-
րեզմանաքարի տակ թաղված է Համամ իշխանի եղեռնական ձեռով սպանված եղբայրը, որը թաղվել է առանձնակի և տապանադիր մեջ էլ այդպիսի անսովոր դարձվածք է գրվել մի ու
իշխեցէ մերձենալ ի սմա (հայկական տապանադիրի սովորական վերջավորությունն է ան
ողորմի, յիշեցէ կամ նման մի այլ դարձվածք)։

Տապանադիր մեջ հիշատակված են երեք անձնանուններ, որոնք գրված են սեռական հո-
լովով և միացված են շաղկապով, դրանցից հետևում է, որ այս երեք մարդիկ գտնվելիս են եղել
թաղվածի հետ միևնույն ազգակցական կապի մեջ, ավելի որոշ՝ երեք եղբայրներ են, որոնք
իրենց ընտանիքի անդամներից մեկի համար տապանաքար են կառուցել (սովորական երևույթ
է, երբ ընտանիքի մի նշանցյալի համար նույն ընտանիքի մի քանի անդամներ են հիշատակում,
որպես տապանաքարի կառուցողներ, դրանով շեշտելով բոլորի հարգանքն ու հոգատարությունը)։
Ներկա դեպքում Համամը հիշատակված է իշխան տիտղոսով, իսկ Ֆիլիպէն և Սմբատը տէր։ Դա
հասկանալի է. ֆեոդալական երարխիայի ճիշտ կիրառումն է մատնանշված Համամի վերաբեր-
յալ. դա և՛ ֆիլիպական ավադություն է, և՛ իրական իշխողի ու լինելն ապացուցող, մինչդեռ
մյուս երկուսը ընդհանրապես տէր են։

Հետազոտել ենք, որ երեք եղբայրներով տապանաքարը շինել են տվել իրենց
ընտանիքի մի այլ անդամի համար, ասենք հոր, մոր կամ քրոջ։ Բայց, արձանագրության վեր-
ջին տողի անսովոր բովանդակությունը բացառում է նման ենթադրությունը և մնում է միայն
ենթադրել, որ տրագիկ կերպով մահացածը նրանց եղբայրն է։ Այս դեպքում արձանագրության
առաջին տողի վնասված մասում Համամ իշխանի բառերից առաջ պետք է դնել եղբաւր բառը։

Այս բոլորից հետո տապանադիրը կունենա հետեյալ տեսքը.

1. Այս ղի իր դամբանի եղբաւր Համամ իշխանի

2. եւ տն փղիպէի եւ ան Սնպատա զրկ-

3. եալ ի նորտ հասակէ ելա յաշխարհէս. դառն քլովի սուգ զգրիսզայս

4. մի ու իշխեցէ մերձենալ ի սմա նզովեալ եղիցի ի քէ այ։

Կատարված դեպքի թվականը հիշտությամբ որոշվում է Բուդայի կառավարչության ժամա-
նակով։ Ինչպես հայտնի է Բուդան որպես կառավարիչ արեւելք եկավ 852 թ.։ 854—855-ին կոխներ
են տեղի ունեցել Աղվանքում և 856 թ. նա արդեն ետ կանչվեց խալիֆաթի կողմից։ Այսպիսով,
պարզ է, որ դեպքը տեղի է ունեցել 854—855 թթ.։ Անհայտ են մնում դրա ղրդապատճառները։
Արձանագրության մեջ մի նախադասություն կա, որը առնչվում է այս խնդրին։ Դա զրկեալ ի
նորտ հասակէ ելա յաշխարհէս պարբերությունն է, որտեղ հիշատակված նորտ բառը դործած-
ված է պատանի կամ երիտասարդ իմաստով։ Ուրեմն Համամի եղբայրը իրենից փոքր էր, որով-
հետև 855 թ. Համամն արդեն իրենց տոհմի ավագը պիտի լիներ, որ իրավունք ունենար կոչվե-
լու իշխան։ Հետևապես կարելի է ենթադրել, որ դեպքն իշխանությունն իր տոհմի ներսում
յուրացնելու նպատակով չի կատարվել։

Այս տապանադիրը շնայած խոշոր պատմական նշանակությունների չի հայտնում, բայց քանի որ
Համամ իշխանի, այդ նշանավոր պետական գործչի ինքնության մասին մեր ունեցած տեղե-
կությունները շատ չնչին են, այն որոշ արժեք է ներկայացնում։ Տապանադիրը հաստատում է,
որ Համամն, իրոք, սպանել է իր եղբորը, որ սպանված եղբայրը Համամից փոքր է եղել, որ
Համամը դրանից բացի ունեցել է նաև երկու այլ եղբայր՝ Ֆիլիպէ և Սմբատ անուններով, որ
Համամի տոհմի կենտրոնավայրը եղել է ներկայիս Ազդամի շրջանը՝ Պարտավ-Բերդա և Տիգ-
րանակերտ ավանը կամ քաղաքը, որ Համամին մեզ անհայտ քաղաքական պատճառներով հա-
ջորդել են ոչ թե եղբայրները, այլ թուրք։

С. Бархударян

ЭПИТАФИЯ НА КНЯЗЯ НАМАМ'А

(Р е з ю м е)

В Государственном Историческом Музее Азербайджана хранится двухскатный надгробный камень, расколотый на две части с армянской надписью (эпитафией) в четыре строки: камень обнаружен во время раскопок археологом Ваидовым, в развалинах Гявур кала, около селения Софулу Ахдамского района. По сообщениям историка VII в. Себеоса и описанию современных путешественников данные развалины являются остатками древнего города Тигранакерт.

Надпись повествует, что князь Натат и его братья Филипп и Смбат возвели надгробную плиту на младшего брата, имя которого к сожалению не читается.

Надгробная плита и эпитафия вносят следующие дополнительные сведения о Намаме и его роде: 1. Центр воссозданного Натат'ом государства стал Гявур кала—Тигранакерт. 2. У Натат'а кроме убитого были еще два брата—Филипп и Смбат.